



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 109. Regis obtentus ad recusandam Præsulum captorum liberationem.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

ipsis liberum foret habita potentissimæ Sæcul. XVI.
 familiæ, & atrocitatis injuriæ ratione, A.C. 1589.
 armorum via, & quavis alia ratione,
 etiam implorata Catholicorum Princi-
 pum sibi sanguine, & cognatione jun-
 ctorum ope, jus suum prosequi, insu-
 per iisdem mandabat, ut & protesta-
 tionis ita factæ documentum sibi tradi
 postularent, præterea ejusdem argu-
 menti mandata cum iisdem clausulis
 iisdem procuratoribus injungebant An-
 na Atestina Nemorsia Guisianorum
 Mater, ac Catharina Maria Monpen-
 seria eorum Soror, necnon Catharina
 Clivia Guisii Ducis Vidua: porro cuncta
 hæc præcipiebantur Maduani Ducis,
 Aumalii Ducis, & Equitis nomine.

§. CIX.

*Regis obtentus ad recusandam
 Præsulum captorum libe-
 rationem.*

Eodem tempore, quo nova hæc Du-
 cis mandata Romam deferebantur, Spond. hoc
ann. n. 10.
 Cenomanensis Episcopus a Franciæ Rege
 literas accepit, quibus summo Pontifici
 significare jubebatur, quod Cardinalis
 Borbonii liberatio minime obtineri pos-
 set, quin majores motus excitarentur,
 quoniam perduelles eum quantocius in
 Regem creaturi forent, nec idem in
 manus Legati consignari valeat, eo-
 rumque quod
Hist. Eccles. Tom. L.

Sæcul. XVI. quod is esset Romam versus jam
A.C. 1589. iter suum tantopere profecutus, ut inde
 haud amplius revocari valeret: porro
 de Archiepiscopo Lugdunensi scribebat
 Rex, quod is non ultra in sua, sed in
 Præfecti arcis Ambrosianæ potestate
 existeret, hic autem captum sine lytri
 solutione dimittere nollet. (*) Hoc Re-
 gis responsum cum Pontifex audi-
 vissset, & simul a Cardinalibus nonnul-
 lis monitus esset de publica proteſta-
 tione a Principibus facienda, siquid in
 gratiam Regis indulgeret, cum id nonnulli
 gravi cum Ecclesiæ offensione, & re-
 rum periculo fieri posset, hinc idem
 Pontifex Purpuratorum Senatum ha-
 buit, ut cum Cardinalibus de modo
 hanc rem pertractandi conferre posset
 cum autem fœderati Principes, si quis
 in Regis gratiam Papa indulgeret, se-
 palam reclamatorios minitarentur, Pur-
 purati exinde timore obruti vereban-
 tur, ne tunc, si Papa veniam con-
 cederet, Catholici ad Sedis Apostolicæ
 patro-

(*) Forte tum potentissimi Regis manda-
 tum lytri solvendi cupiditatem reprimere haud
 poterat, aut loco Cardinalis Legati haud alius
 inveniri, cui Borbonius tuto consignari po-
 tuisset, ne in Regem absens minus, quam
 adhuc captus foret, eligeretur.

patrocinium confugientes ab ejus obedientia deficerent.

Sæcul. XVI.
A. C. 1589.

§. CX.

*Præcedente admonitione Rex a Papa
anathemate percussus.*

Sixtus quoque hoc timore percussus die quinta Maji decretum, quod *Thuan. l. 95. Spond. hoc ann. n. 10. Journal de Henri t. 1. Matthieu l. 8.* *monitorium* vocant, in Patrum Senatu edidit, quo post iterato narratam Cardinalis Guisii necem, & Borbonii, atque Lugdunensis detentionem, quibus Rex quamvis sæpe monitus satisfacere non curasset, pro paterno affectu, quo eum semper profecutus fuisset, denuo per viscera misericordiæ Dei hortabatur, & Auctoritate Apostolica primo, secundo, & tertio monebat, præcipiebatque, ut dictos Borbonium, & Lugdunensem intra decem dies a die publicati *monitorii* numerandos, pristinæ libertati restitueret, & triginta post restitutionem diebus id Sedi Apostolicæ idonee significaret: ni faceret, eum, & cunctos, quicumque iis in rebus consilium, auxilium, aut favorem præstarent, in Ecclesiasticas censuras incurfuros, & ab Ecclesiæ corpore excindendos, atque ejus communione privandos minitabatur, prout in sacris Canonibus, & diplomate, quod feria quinta

Yy 2

hebdo-